



**D<sup>a</sup>. OLGA ALONSO SUÁREZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na sesión ordinaria do **20 de xaneiro de 2017**, adoptou o seguinte acordo:

**4.- PROPOSTA DE ALCALDÍA DE MODIFICACIÓN DO ACORDO DA X. GOBERNO LOCAL DO 19/06/15, DE DELEGACIÓN DE COMPETENCIAS DA XUNTA DE GOBERNO LOCAL NOS CONCELEIROS-DELEGADOS. EXPTE. 74/1102.**

Dáse conta da referida proposta do alcalde-presidente, de data 18/01/17, que di o seguinte:

A Xunta de Goberno Local na súa sesión extraordinaria e urxente do 30/12/2016 (2) acordou, entre outros, aprobar a proposta de Alcaldía de modificación do Acordo da Xunta de Goberno local do 19.06.2015 de delegación de competencias da Xunta de Goberno Local nos Concelleiros Delegados (Expte. 74/1102), incluíndo entre as competencias da Concellería Delegada da Área de Fomento Limpeza e Contratación; punto Primeiro.-, apartado b) *a Delegación das competencias relativas á aprobación do Plan de Seguridade e saúde das obras e, de ser necesario, os seus Anexos; aceptación do Plan de Xestión de Residuos de Obra; aprobación do Programa de Traballo, aprobación do Plan de Calidade; nomeamento da Dirección Facultativa da Obra e nomeamento da Coordinación de Seguridade da Obra, así como a competencia relativa a cantos actos de trámite puideran ter a construción de mera execución do contrato.*

Dende a mesma Concellería-Delegada da Área de Fomento, Limpeza e Contratación con data 11/01/2017, emítase nova proposta no sentido de ampliar as anteditas delegacións, engadindo ao texto aprobado pola Xunta de Goberno Local, sesión extraordinaria e urxente do 30/12/2016 "A autorización para a emisión da certificación de acopios pola dirección facultativa". Así mesmo indícase a necesidade de ampliar a delegación efectuada no orixinal acordo da Xunta de Goberno Local do 19/06/2015 no sentido de engadir ao apartado:

*"Segundo.-, punto 2. "Ditar resolucións e prestar a súa conformidade as certificacións ou actas de recepción de obras, submistros, servicios ou asistencias técnicas relacionadas directamente coa xestión da súa área."*

A seguinte atribución:

*"No caso de aprobación das certificacións finais, autorizar a ampliación do gasto cos límites do artigo 234.3.c, do TRLC, ou normativa vixente en materia de contratación"*.

No mesmo escrito dende a Área de Fomento, Limpeza e Contratación, propónse que, cara unha maior axilidade e eficiencia na execución dos contratos de obras das diferentes concellerías, tanto as atribucións delegadas na Área de Fomento, Limpeza e Contratación, mediante acordo da Xunta de Goberno Local, sesión extraordinaria e urxente do 30/12/2016, como as novas propostas de atribucións sexan delegadas con carácter xenérico en todas as Concellerías-Delegadas de Área.

	Copia auténtica do orixinal - Concello de Vigo	Data impresión: 14/03/2017 09:20	Páxina 1 de 3
	Expediente 74/1102	Código de verificación: 2EED4-A2332-38D42-EADB4	
	Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <a href="http://www.vigo.org/csv">http://www.vigo.org/csv</a>		

Examinadas a antedita proposta da Concellería-Delegada da Área de Fomento, Limpeza e Contratación, de modificación do réxime de delegación de competencias da Xunta de Goberno Local de datas 19 de xuño de 2015 e 30 de decembro de 2016 (Expte. 74/1102) e, vista a conveniencia de impulsar o cumprimento dos principios de eficacia, eficiencia e axilidade na xestión pública no Concello de Vigo, no uso da potestade de dirección do goberno e das organizativas e estruturais que, en relación coa Administración Municipal ostenta esta Alcaldía -art. 124.4 da Lei 7/1985, Reguladora das Bases do Réxime Local, e de conformidade co previsto nos artigos 43 e seguintes do RD 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Corporacións Locais, formulo á Xunta de Goberno Local a seguinte:

**PROPOSTA DE ACORDO:**

**Primeiro.-** Modificar o acordo da Xunta de Goberno Local de delegación de competencias nos Concelleiros Delegados de data 19 de xuño de 2015, coas súas modificacións, quedando redactado o seu apartado Segundo, punto 2. do seguinte xeito:

*“Segundo.- Así mesmo todos os concelleiros delegados das Áreas mencionadas na resolución da Alcaldía do 17 de xuño de 2015 exercerán, por delegación desta Xunta de Goberno Local e con carácter xenérico, as seguintes atribucións:*

*2. Ditar resolucións e prestar a súa conformidade as certificacións ou actas de recepción de obras, submistros, servizos ou asistencias técnicas relacionadas directamente coa xestión da súa área. No caso de aprobación das certificacións finais, autorizar a ampliación do gasto cos límites do artigo 234.3.c do TRLC.*

*2 bis. Aprobar o Plan de Seguridade e saúde das obras e, de ser necesario, os seus Anexos; aceptación do Plan de Xestión de Residuos de Obra; aprobación do Programa de Traballo, aprobación do Plan de Calidade; nomeamento da Dirección Facultativa da Obra e nomeamento da Coordinación de Seguridade da Obra, así como a competencia relativa a cantos actos de trámite puideran ter a construción de mera execución do contrato; emisión de certificación de acopios pola dirección facultativa.*

**Segundo.-** Notificar este acordo aos concelleiros das áreas afectadas e comunicalo aos responsables dos diferentes servizos e áreas municipais para xeral coñecemento e efectos, mediante a súa inserción na Intranet municipal.

**Terceiro.-** O presente acordo entrará en vigor no mesmo momento da súa aprobación, sen prexuízo da súa publicación no BOP, na sede electrónica municipal e no Portal de Transparencia do Concello de Vigo, para os efectos do disposto no artigo 6 da Lei 19/2013, de 9 de decembro, de Transparencia, Acceso á Información Pública e Bo Goberno.

**Cuarto.-** Deste acordo darase conta de forma individualizada ao Pleno da Corporación ao abeiro do art. 38 do RD 2568/1986.

**Acordo**

A Xunta de Goberno local aproba a proposta contida no precedente informe.



Copia auténtica do orixinal - Concello de Vigo	Data impresión: 14/03/2017 09:20	Páxina 2 de 3
Expediente 74/1102	Código de verificación: 2EED4-A2332-38D42-EADB4	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <a href="http://www.vigo.org/csv">http://www.vigo.org/csv</a>		



E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.  
O ALCALDE,  
Abel Caballero Álvarez.



Copia auténtica do orixinal - Concello de Vigo	Data impresión: 14/03/2017 09:20	Páxina 3 de 3
Expediente 74/1102	Código de verificación: 2EED4-A2332-38D42-EADB4	
Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <a href="http://www.vigo.org/csv">http://www.vigo.org/csv</a>		